



## **Dogfen Dychwelyd i'r Ysgol i Rieni / Gofalwyr (Mawrth 2021)**

Rydym yn gwerthfawrogi y gallech fod yn bryderus ynghylch eich plentyn / plant ddychwelyd i'r ysgol. Rydym wedi diweddarau'r canllawiau yma i helpu chi paratoi eich hun a'ch plant ddychwelyd i'r ysgol.

Bydd ein hystafelloedd dosbarth unwaith eto yn croesawu ein disgyblion Cyfnod Allweddol 2 (Blwyddyn 3 i flwyddyn 6) wrth iddynt ddychwelyd. Er ein bod wedi tynnu unrhyw eitemau diangen o'r ystafell ddosbarth, nid ydynt yn edrych yn llwm nac yn wag o bell ffordd a byddwn yn darparu deunydd ysgrifennu ac adnoddau i ddisgyblion eu defnyddio yn ystod y diwrnod ysgol. Byddwn yn parhau i ofyn i ddisgyblion i beidio dod ag eitemau diangen o'u cartref a'u bod ond yn mynychu gyda'r lleiafswm sydd ei angen arnynt (h.y. yfed potel a byrbryd, cinio wedi'i bacio os nad ydynt yn dewis cinio ysgol, cot, het ac ati). Gan ein bod dal i gael tymheredd isel yr adeg yma, a wnewch chi sicrhau mae'ch plentyn yn dod a chôt i ysgol pob dydd gan fod yr ystafelloedd yn parhau i gael eu awyru yn ôl canllawiau.

Mae'r canllaw diweddar yn nodi nad ydy pellter cymdeithasol yn ofynnol i blant oed ysgol cynradd, ond byddwn ni dal yn parhau lleihau amser cyswllt a risg trosglwyddo ar draws yr ysgol. Nid yw'n ofynnol i ddisgyblion oed cynradd wisgo gorchuddion wyneb ond mae croeso iddynt eu gwisgo os dymunant. Bydd grŵp cyswllt ym Mro Ogwr yn cael ei gydnabod fel y grŵp blwyddyn gyfan oherwydd natur rhai ystafelloedd dosbarth ac ardaloedd a'r cyfleusterau toiled a rennir. Mae gan y toiledau a rennir ciwbiclau unigol ar gyfer y blynyddoedd sy'n eu rhannu. Yn ystod amser cinio ac amseroedd egwyl bydd dau grŵp cyswllt yn rhannu'r neuadd ond ar fyrddau gwahanol gyda phellter o 2m rhyngddynt. Bydd dau grŵp blwyddyn ar yr iard ac ardal allanol ar gyfer amseroedd chwarae a chinio, gyda phellter o 2m rhyngddynt hefyd.

### **Gweithdrefnau Dechrau a Diwedd Dydd**

Nid oes darpariaeth Clwb Brecwast na Chlwb ar ôl ysgol ar hyn o bryd. Bydd giât mynediad Ffordd y Dywysoges yn ailagor ar gyfer mynediad, ond dilynwch y saethau a fydd yn tynnu sylw at lwybr dynodedig 'cadwch i'r chwith'. Ein nod yw parhau â system unffordd ar iard yr ysgol a byddem yn gwerthfawrogi pe gallech ddilyn yr arwyddion a'r marciau llawr os gwelwch yn dda.

Disgwylir i blant cael eu hebrwng i ysgol a chyrraedd y safle rhwng 08.50 a 09.00 a byddent yn cerdded syth i'r dosbarth, lle bydd staff yno i'w croesawu er mwyn helpu i hwyluso golchi dwylo wrth gyrraedd. Byddwn yn annog rhieni/gofalwyr i ollwng naill ai wrth giât y feithrin neu giât Princess Way a gadael y plant i gerdded i'r iard yn annibynnol gyda staff ar hyd pob llwybr ac iard yn goruwchwylio.

Bydd y casgliad yn ôl yr arfer o'r 3 iard wahanol, dilynwch y system unffordd ac yna pellter cymdeithasol ar yr iard er mwyn i'r staff eich gweld chi'n glir ac i chi dderbyn eich plentyn / plant yn ddiogel. Gofynnwch i unrhyw aelod o staff yr ysgol a ydych chi'n ansicr beth i'w wneud wrth gyrraedd yr ysgol.

Dylai pob rhiant / gofalwr wisgo gorchuddion wyneb yn ystod cyfnodau gollwng a chasglu. Byddai hefyd yn ein helpu yn fawr pe gallech geisio cyfyngu'r oedolion ar y safle ar gyfer gollwng a chasglu i un rhiant / gofalwr, a fydd yn helpu gyda phellter cymdeithasol.

### **Presenoldeb**

Mae'n ofynnol i bob disgybl ddychwelyd i'r ysgol o ddydd Llun Mawrth 15fed pan fydd ysgolion yn ail-agor ar gyfer pob disgybl. Os na all eich plentyn ddychwelyd i'r ysgol ar gyngor ymarferydd gofal iechyd oherwydd rheswm meddygol sydd wedi'i ddogfennu cysylltwch â'r ysgol i drafod sut y byddwn yn cefnogi eich plentyn yn ystod y cyfnod hwn.

Mae arweiniad Llywodraeth Cymru fel a ganlyn:

Ni ddylai dysgwyr fynychu ysgolion / lleoliadau o dan unrhyw amgylchiadau:

- teimlo'n sâl, a oes gennych unrhyw un o'r tri symptom COVID-19 a nodwyd (peswch parhaus newydd, neu dymheredd uchel neu gollu neu newid i'w synnwyr blas neu arogl) neu maent wedi profi'n positif i COVID-19 yn y 7 diwrnod diwethaf
- yn byw ar aelwyd neu'n rhan o aelwyd estynedig gyda rhywun sydd â symptomau COVID-19 neu sydd wedi profi'n positif am COVID-19 yn y 14 diwrnod diwethaf.

Bydd unrhyw plentyn sydd yn dangos symptomau yn cael eu ynysu'r syth a bydd yr ysgol yn cysylltu gyda rhieni / gofalwyr i gasglu'r plentyn. A wnewch chi sicrhau bod eich manylion cyswllt yn gywir ac yn gyfredol naill ai ar yr App Rhieni SIMS neu trwy swyddfa'r ysgol. Helpwch cadw ein hysgol yn ddiogel gan ddilyn y canllawiau yma.

Er mwyn i ddisgyblion y Cyfnod Allweddol 2 ddychwelyd i'r ysgol yn ddiogel, byddwn yn sicrhau:

### **Paratoi**

- Bod yr holl wiriadau cydymffurfio ag iechyd a diogelwch wedi cael eu cynnal
- Bod yr adeilad wedi cael ei lanhau gan Wasanaethau Glanhau CBS Pen-y-bont ar Ogwr
- Ein bod yn parhau gyda gwasanaeth glanhau ychwanegol yn ystod y diwrnod ysgol
- Y bydd marciau ar y llawr i ddangos y cyfeiriad teithio
- Bod nodiadau i atgoffa am y canllawiau ar gael mewn ardaloedd cymunol ac yn yr ystafelloedd dosbarth
- Y bydd cyfarpar diogelwch personol ar gael yn yr ardal ynysu o fewn yr ysgol ar gyfer achosion tybiedig o Covid-19 ac mewn mannau priodol o amgylch yr ysgol o ran gofal agos i ddisgyblion, lle y bo angen

### **Gweithdrefnau Dyddiol**

- Bydd amseroedd egwyl a chinio yn cael eu gwasgaru i leihau ar y niferoedd
- Bod defnydd o'r neuadd yn cael eu reoleiddio a'i amserlennu ar gyfer amser cinio i gynnwys grwpiau cyswllt ac i leihau ar amser cyswllt gwyneb i wyneb
- Ni fydd y siop ffrwythau ar gael ar hyn o bryd – croeso i ddisgyblion ddod â snac ffrwythau iachus ar gyfer amser egwyl
- Y gofynnir i rieni/gofalwyr ddarparu opsiynau hawdd-i'w-hagor fel rhan o becyn cinio
- Y byddwn yn gofyn i ddisgyblion fynd ag unrhyw wastraff sy'n weddill ar ôl bwyta cinio pecyn adref gyda nhw
- Y bydd addoli ar y cyd yn cael ei hwyluso trwy wasanaethau a myfyrdodau dosbarth neu mewn grwpiau cyswllt lle bo modd

### **Yn yr Ystafell Ddosbarth**

Er mwyn i holl ddefnyddwyr yr ysgol ddefnyddio'r ystafelloedd dosbarth yn effeithiol, byddwn yn sicrhau'r canlynol:

- Bod ystafelloedd dosbarth wedi cael eu cyflunio ar gyfer yr holl ddisgyblion
- Bod ystafelloedd dosbarth yn lleihau ar amser cyswllt wyneb i wyneb gyda disgyblion hŷn
- Y gofynnir i staff a disgyblion 'ddod â' chyn lleied â phosibl o eitemau i'r ysgol
- Bod gweithgareddau wedi cael eu cynllunio i wneud cymaint â phosibl o ddefnydd o'r ardaloedd awyr agored
- Bod amserlenni'n hyblyg ac yn gallu cael eu haddasu lle y bo angen
- Y bydd yr holl staff yn atgyfnerthu ac yn atgoffa disgyblion yn rheolaidd am yr arfer o olchi dwylo wrth gyrraedd, ar ôl bwyta ac ar ôl pesychu neu disian, ar ôl trin a thrafod offer a rennir, ar ôl cyswllt corfforol, cyn ac ar ôl trin bwyd a chyn ac ar ôl ymweld â'r toiledau
- Y bydd staff yn cael eu neilltuo i'r un grwpiau cyswllt yn feunyddiol lle posib
- Y bydd disgyblion yn defnyddio'r un ystafell, cadeiriau a desgiau bob dydd
- Y bydd o leiaf ddwy ffenestr ar agor ym mhob ystafell ddosbarth bob dydd i alluogi awyru naturiol cyson i ddigwydd
- Y bydd chwistrell a/neu gadachau diheintio ar gael yn yr holl ystafelloedd dosbarth a swyddfeydd bob dydd

- Bod biniau ar wahân â chaeadau mecanyddol arnynt wedi cael eu gosod ym mhob ystafell ddsbarth yn benodol ar gyfer gwaredu hancesi papur wedi'u defnyddio
- Y bydd staff a disgyblion yn cael eu hatgoffa am bwysigrwydd peidio â rhannu offer
- Y bydd desgiau, cadeiriau ac offer arall yn cael eu diheintio/glanhau ar ddiwedd pob dydd
- Bydd yr adnoddau sy'n cael eu symud o'r ysgol yn cael eu cyfyngu e.e llyfrau darllen yn unig i ddechrau

### **Monitro**

Er mwyn i'r ysgol sicrhau bod y mesurau hyn yn effeithiol, byddwn yn monitro'r uchod a newid a datblygu unrhyw gynlluniau a gweithdrefnau lle angen.

Gobeithio, trwy ddarparu'r wybodaeth yn y ddogfen hon ar eich cyfer, ein bod wedi ateb rhai o'ch pryderon ac o gymorth i chi paratoi eich plentyn / plant i ddychwelyd o ddydd Llun, Mawrth 15fed ac rydyn yn edrych ymlaen at weld ein plant hŷn nôl yn yr ysgol.

Dymuniadau gorau

Staff Bro Ogwr